



武9  
 308  
 2



門中武  
308  
2

凡化硝

上ノ公ノ史ノホラセシ入其木ヲト

新刊醫林狀元濟世全書卷之二

太醫院吏目金谿雲林龔廷賢子才編著

男守國 定國 手錄



廣信府同知涪州灼無陳 直 校正

明人慈谿庠生羅國望

臨川黃 卷

偃師庠生史 洞

肝都潘士炫

南陽指揮王貴卿

同邑胡廷訓

大梁王有年

傳鍾奇

信陽吳至善

陶本宇

豫章萬稟初

劉思岐 校

洪都龔警羣

金陵書坊萬卷樓存義堂如泉周文耀刊行

# 內傷

內傷辯

內傷病必氣高而喘身熱而煩短氣上逆鼻息不調怠惰嗜卧四肢困倦不收無氣言動捫摸肌膚必大熱躁熱悶亂心煩不寧或表虛惡風是也

東垣內外傷辯

人迎脈大於氣口為外傷氣口脈大於人迎為內傷外傷則寒熱齊作而無間內傷則寒熱間作而不齊外傷惡寒雖近烈火不除內傷惡寒得就溫暖即解外傷惡風乃不禁一切風寒內傷惡風惟惡些小賊風外傷症顯在鼻故鼻氣不利而擁盛有力內傷者証顯在口故口不知味而腹中不和外傷者無此外傷則邪氣有餘發言壯厲宜先輕而後重內傷則元氣不足出言懶怯且先重

而後輕外傷手背熱而手心不熱內傷則手心熱而手背不熱若顯內証多者則是內傷重而外感輕宜以補養為先若顯外証多者則是外感重而內傷輕宜以發散為急

太抵內傷之理傷之微者但減食一二口所傷之物自得消化此良法也若傷之重者以藥內消之傷之太重者以藥除下之飲食所傷重則拊去食積以和脾胃輕則消導以溫養之若勞倦傷誠不足也欲退二家熱必以參朮芪草為君以柴升地骨麥門枳實白芍苓連栝葢為治驗人強弱隨時寒暑對症加入以求必愈

內傷論

夫脾胃虛者因飲食勞倦心火亢甚而乘其土位其次肺氣受邪須用黃芪最多入參甘草次之脾胃一虛肺氣先絕故用黃芪以益皮毛而閉腠理不令自汗上喘氣短損真元氣入參以補之心火乘脾胃

甘草用甘温以瀉火熱而補脾胃中元氣若脾胃急痛并大虛腹中急縮者宜多用之經云急者緩之白朮苦甘温除胃中熱利腰膝血胃中清氣在下必加升麻柴胡以引之引黃芪甘草甘温之氣味上升能補胃氣之散解而實其表也又緩帶脉之縮急二味苦平之薄者陰中之陽引清氣上升也氣亂於胸中為清濁相干用去白陳皮以理之又能助陽氣上升以散滯氣助諸甘辛為用也嗑乾者加乾葛脾胃氣虛不能升浮為陰火傷其生發之氣榮血大虧榮氣不營陰火熾盛是血中伏火日漸煎熬血氣日減心包與心主血血減則心少養致使心亂而煩病名曰悅悅者心惑而煩悶不安也故加辛甘微温之劑生陽氣陽生則陰長或曰甘温何能生血曰仲景之法血虛以人參補之陽旺則能生陰血更以當歸和之少加黃栢以收腎水能瀉陰中之伏火如熱猶不止少加生地黃補腎水水旺而心火

自降如氣浮心亂以朱砂安神丸鎮固之則愈方見醫書

補中益氣湯主治治中氣不足飲食勞倦清氣下陷以致脾胃虛弱

發熱頭疼四肢倦怠心煩肌瘦日漸羸弱此藥能升元氣退虛熱補

黃芪蜜水炒 人參 白朮去油蘆 當歸身酒洗 陳皮

柴胡 升麻 甘草炙

右剉生姜棗子水煎温服

大經曰胃為水穀之海又云腸胃為之無物不包無物不入寒熱温涼皆有之其為病也不一故隨時症補中益氣湯中權立四時加減法于後

○以手捫之而肌表熱者表熱也只服主方一二服得微汗則已非正發汗乃陰陽氣和自然汗出也

○若更煩亂如腹中或周身有刺痛皆血滯不足加當歸一錢

○如精神短少加入參 五分 五味子 二十箇  
 ○頭痛加蔓荊子 三分 痛甚加川芎 五分  
 ○頂痛腦痛加藁本 五分 細辛 三分 諸頭痛并用此四味足矣  
 ○頭痛有痰沉重懶倦者乃太陰痰厥頭痛加半夏 五分 生薑 三分  
 ○耳鳴目黃頰頰腫頸肩臑肘臂外後廉痛面赤脉洪大者以羌活  
 防風藁本 各七分 甘草 五分 通其經血加黃芩黃連 各三分 消其腫  
 人參 五分 黃芪 七分 益元氣而瀉火邪另作一服與之  
 ○噤痛頰腫脉洪大面赤者加黃芩甘草 各三分 桔梗 七分  
 ○口乾噤乾者加葛根 五分 升引胃氣上行以潤之  
 ○如夏月咳嗽者加五味子 二十五箇 麥門冬 去心 五分  
 ○如冬月咳嗽加不去根節麻黃 五分 如秋涼亦加  
 ○如春月天溫只加佛耳草欬冬花 各五分

○若久病痰嗽肺中伏火去人參以防痰嗽增益耳  
 ○食不下乃胸中胃上有寒或氣澀滯加青皮木香 各三分 陳皮 五分  
 ○此三味為定法  
 ○如冬月加益智仁草豆蔻仁 各五分  
 ○如夏月加少黃芩黃連更加檳榔草豆蔻砂仁白豆蔻 各五分  
 ○春初猶寒少加辛熱之劑以春氣之不足為風之始益智仁草豆蔻  
 可也  
 ○如心下痞奮悶者加芍藥黃連 各一錢  
 ○如痞腹脹加枳實木香砂仁 各三分 厚朴 七分 如寒少加乾姜或中桂  
 ○心下痞覺中寒加附子黃連 各一錢 不能食而心下痞加生薑陳皮  
 各一錢 能食而心下痞加黃連 五分 枳實 三分 脉緩有痰而痞加半  
 夏黃連 各一錢 脉弦四肢滿便難而心下痞加黃連 五分 柴胡 七分

甘草 三分

○腹中痛者加白芍 五分 甘草 三分 如惡寒覺冷痛加中桂 五分

○如夏月腹中痛不惡寒不惡熱者加黃芩甘草 各五分 芍藥 一錢 以治時熱也

○如腹痛在寒涼時加半夏益智仁草豆蔻之類

○如腹中痛惡寒而脈弦者是木來尅土也小建中湯主之蓋芍藥味酸於土中瀉亦為君如脈沉細腹中痛是水來侮土以理中湯主之乾姜辛熱於土中瀉水以為主也如脈緩體重節痛腹脹自利水穀不化是濕勝以平胃散主之蒼朮苦辛溫瀉濕為主也

○脇下痛或脇下滿急俱加柴胡 五分 甘草 三分

○臍下痛加熟地黄 五分 如不已者乃太寒也加桂

○治虛勞發熱去升麻加半夏茯苓黃芩地骨皮五味子○嗽不止加

百合欬冬花

○陰虛火動加黃柏知母

○治飲酒人元氣虛弱無力飲食減少面紅如粧加半夏乾葛白芍神

麩麥芽枳殼

小便閉加麥門冬 大便閉加桃仁紅花火麻仁

○治元氣虛弱腰痛加黃柏知母牛膝白芍

夫以勞倦則損氣氣衰則火旺火旺則乘其脾土故倦怠而熱此元氣傷也益氣湯主之

升陽順氣湯 治因飲食不節勞役所傷腹脇滿悶短氣遇春則口淡

無味遇夏雖執猶有惡寒飢則常如飽不喜食冷物

黃芪 蜜水炒 半夏 湯泡 草豆蔻 二錢 甘草 五分 神曲 炒 一分

升麻 柴胡 當歸身 陳皮 各一錢 黃柏 酒炒 五分

人參三分 生姜三片水煎服

○按右方脾胃不足之證須用柴胡升麻苦平味之薄者陰中之陽引脾胃中清氣行於陽道及諸經生發於陰陽之氣以滋春氣之和也又引黃芪人參甘草甘溫之氣味上行充實腠理使陽氣得備外而為用也凡治脾胃之藥多以升陽補氣名之者此也

○補中益氣丸 功同補中益氣湯治飲食勞倦所傷元氣虛弱脾胃虧損諸虛百病

嫩黃芪 蜜水炒 二兩

白朮 去片陳土 炒二兩

懷山藥 一兩

當歸身 酒洗 二兩

白豆蔻 五錢

陳皮 一兩

有痰加半夏 姜炒一兩

○有熱加黃連 姜炒一兩

○傷食加山楂肉 一兩 神麩 炒一兩 胸痞腹脹加枳實 五錢

○有氣加木香 五錢

○氣下陷加升麻 酒炒五分

右為細末用荷葉如掌大煎湯下陳倉米煮稀粥和為丸如梧子大每服百丸不拘時水湯送下

參苓白朮散 理心脾氣弱神昏體倦飲食不進多困少力中滿痞噎心忪上喘嘔吐瀉痢此藥中和不熱久服養氣育神醒脾悅色順正辟邪

人參 一錢 白朮 去油蘆土 炒一分 白茯苓 七分 炙甘草 四分

白扁豆 炒一分 山藥 一錢 蓮肉 去心皮 七枚 桔梗 七分

慧苡仁 炒一分 砂仁 五箇

右剉生姜三片紅棗三枚水煎溫服或為細末每服二錢食遠姜棗湯調下

八仙糕

白粳米

一斗春令極熟清水淘過磨極細重羅篩過入甌

人參

白茯苓

山藥

芡實仁

蓮肉去心

不油白木

去角米泔水浸隔紙炒

白糖霜

四斤

右各為細末同米粉拌勻粗羅羅過再入甌又蒸取出乘熱入白

糖攪和極勻入模子內築成餅子於鐵線焙籠上焙片時取

白玉糕 此方京師諸老多服之

薏苡仁

蓮肉

雞頭實

白茯苓

百合

乾山藥

以上俱擇新鮮潔淨淘洗各另搗為細末每味各淨粉一升用白  
砂糖二升粳米粉一十一升糯米粉三升拌極勻蒸成糕切成小  
片晒乾用小竹篋裝盛每日不拘時或用炒米湯浸服或乾嚼服  
極能養脾胃扶元氣

陽泰白雪糕

養元氣健脾胃其功難以盡述

白茯苓

去皮

山藥

芡實仁

家蓮肉

去心皮各三兩

共為細末

粳米一升

糯米半升

俱為末

白砂糖

一斤半先

將藥米末麻布盛甌內蒸熟乘熱和糖搗令極勻用印成餅鋪

開烘乾或晒乾任食

# 傷食

東垣云胃中元氣盛則能食而不傷過時而不飢脾胃俱壯則能食而  
肥也脾胃俱虛則不能食而瘦或少食而肥而四肢不舉蓋脾胃而  
邪氣盛也又有善食而瘦者胃伏火邪於氣分也則能食脾虛則肌  
肉削即食亦也

大抵飲食不進以脾胃之藥治之多不効者亦有謂焉人之有生不善



攝養房勞過度真陽衰憊坎水不温不能上蒸脾土冲和失布中州  
不運是致飲食不進胸膈痞塞或不食而脹滿或已食而不消木肺  
瀉滯此皆真火衰弱不能蒸蘊脾土而然古人云補腎不如補脾余  
謂補脾不若補腎腎氣若壯丹田之火上蒸脾土脾土温服中焦自  
治則能進食矣

行氣香蘇散 主方 治内傷飲食外感風寒夾氣胸膈脹滿肚腹  
疼痛頭疼身痛發熱等症

紫蘇 陳皮 香附 烏藥 川芎

麻黃 枳殼 羌活 甘草 姜葱煎服

理氣健脾丸 主方 治脾胃虛弱不思飲食嘔吐泄瀉胸膈痞悶肚腹

脹滿虛勞發熱痰嗽便澹腹痛

白朮 去蘆炒 白芍 酒炒 白茯苓 去皮 三下陳皮 三兩 黃連 姜汁炒 二兩

半夏 湯泡姜炒各 神麴 炒二兩 山查 去子一兩 枳實 炒 一兩  
香附 童便炒 當歸身 酒洗 六兩 木香 五錢 甘草 炒一兩  
元氣虛弱加入參 一兩  
右為采荷葉湯煮粥為丸每服七八十丸清米湯下人常服之可  
保無虞

百消丸 消酒消食消痰消氣消積消痞消脹消痛消腫消水消痰消  
滯消而不見響而不泄真簡易之良方也

黑牽牛 炒取頭末 二兩 香附米 炒一兩 五靈脂 炒一兩  
右為細末醋糊為丸梧子大每服三五丸姜湯送下

消食散 治食不化腹脹發熱  
山查 酒乾 為末每服五錢一日進三次或米糊為丸服亦可

草豆蔻丸 治飲酒無度恣食寒冷之物有痰癖積飲在胸腹間作痛

或胃脘當心而痛上支兩脇咽膈不通食飲不

草豆蔻

麩煨

白木

枳實

青皮

陳皮

半夏

姜炒

黃芩

神麩

麥芽

乾生姜

炒

炒鹽

神麩

右為細末湯浸蒸餅為丸如菘豆大每服一百丸熟水下

如冬月不可用黃芩歲火不及又傷冷物加以溫劑是其治也然

亦有熱物傷者從權以寒藥治之隨時之宜不可不知也

葛花解醒湯 治飲酒太過嘔吐痰逆心神煩亂胸膈痞塞手足戰搖

小便不利飲食減少

葛花

砂仁

白豆蔻

人參

白朮

白茯苓

青皮

陳皮

木香

猪苓

澤瀉

神麩

乾生姜

炒

炒

右為末每服三錢白湯調下得微汗酒病去矣

八仙對散

壯脾進食令人飲酒不醉

丁香

砂仁

白豆蔻

粉葛

百藥煎

木瓜

用一倍燒鹽

甘草

二錢半

右細剉人不能飲酒者只抄一錢細嚼溫酒下即能飲不醉

石膏湯

治飲酒過多醉難醒

石膏

葛根

生薑

右每剉五錢水二盞煎一盞不拘時溫服

治飲食不佳口仍易飢餓

菘豆

糯米

小麥

名一升炒熟磨成粉

每服一小鍾以滾湯調服日三五服效

吃酒不醉方

薄荷五錢 乾葛一兩 桂花三錢 白梅肉五錢

右為末蜜丸先放入口內舌下自然化酒

凡覺胸中酒食停積或被勸飲過多一時心下脹滿只用薑花擦牙齒溫水漱下不過三次如湯發雪即時寬暢通快也

治酒積 面黃黑色腹脹不消

甘遂末一錢用糟頭猪肉一兩細切如泥入遂末和勻通作一丸

紙裹燒令香熟取出細嚼酒下臨臥服取酒布袋為妙

燒酒醉傷不醒者急用菘豆粉濕皮切片將筋開口用涼水送下

斷酒法 用驢駒衣燒灰酒服之

治飲酒過多蘊熱胸膈以致吐血衄血

葛花二兩 黃連四兩 為末以大黃末熬膏和九梧子大每服

百九溫湯下

治連月飲酒 因候爛舌上生瘡

水中螺蚌肉葱豉極美養飲汁三兩蓋差

治中氣虛損脾胃怯弱飲食不下或瀉或痢有調胃實腸之功

大鯽魚去腸屎淨入蒜五六瓣於內紙包水濕火煨熟去蒜食之

日服二三次自然進食又治噎膈食不下

醒醉湯

用青橄欖黃損者不用瓦土磨去粗皮核細切如縷一斤以粉草

末二兩炒鹽二兩拌勻入磁罐內密封以沸湯點服自然生津液

醒酒極妙

治酒後傷風身熱頭痛以防風通聖散加黃連鬚二錢葱白十根煎服

凡遇天寒冒露或入病家則飲酒三兩蓋壯精神辟疫癘閒暇則陶性

情養血脉飲者不過量力而已過則耗傷血氣也占云飲酒無量不

及亂此言信矣飲者未嘗得和於氣血抑且有傷脾胃傷於形亂於性顛倒是非皆此物也早酒傷胃宿酒傷脾為嘔吐痰沫醉以入房以竭其精令人死尚不知雖知者亦迷而不成養浩高入當節色而養精神戒飲食以益眉壽此先聖之格言實後人之龜鑑

一人飲酒大醉後口中氣仰頭往外出不盡有出氣無收氣此乃氣不歸元死在須臾諸醫罔效用菲菜根搥損入舊醋醋炒熟絹包煎臍下此一包冷了又易一包燉至臍下溫暖氣漸降而歸元矣

五味淡薄令人神爽氣清酸多傷脾鹹多傷心苦多傷肺甘多傷腎辛多傷肝

**鬱證**

內經曰木鬱達之謂吐之令其條達也火鬱發之為汗之令其疎散也

土鬱奪之謂下之令無壅礙也金鬱泄之謂滲泄解表利小便也水鬱折之制其衝逆也

**散鬱湯**

蒼朮 八分 香附 七分 川芎 八分 梔子仁 炒八分 陳皮 一錢  
 枳殼 炒七分 白茯苓 一錢 白芍 八分 甘草 二分

生姜三片 水煎溫服

**加味越鞠丸 常服開鬱思食**

蒼朮 米泔浸姜四兩 撫芎 四兩 香附 童便浸 炒四兩 神麴 炒四兩  
 山梔仁 炒四兩 陳皮 去白 兩半 白朮 去蘆炒 一兩半 黃芩 炒 兩半  
 山查 蒸去子 二兩

右為末稀糊為丸 梧子大每五六十丸 食後白湯下

越鞠丸 治鬱結氣滯以致胸膈痞悶或肚腹膨脹或咽喉不清或痰

氣不爽或飲食少思或吞酸不腐宜用此藥清之若人脾胃虛弱用六君子湯為主大九中氣虛弱變症百出難以名狀但用四君補其脾胃元氣漸復諸症自退若用治病之藥則誤矣

### 痰飲

丹溪云久得滯脈痰飲膠固脈道阻滯也卒難得開必費調理沉弦細滑大小不勻皆是痰氣為病夫痰屬濕乃津液所化痰之為患為喘為欬為嘔為利為眩為暈心嘈雜怔忡驚怖為寒熱痛腫為痞隔為壅塞或胸脇間轉轉有聲或背心一片常如冰冷或四肢麻痺不仁皆痰飲所致或因脾胃虛弱不能攝肺或為四氣七情所干氣壅痰聚而然也善治痰者不治痰而治氣氣順則一身之津液亦隨氣而順矣治痰法宜實脾土燥脾濕

是治其本也凡奇怪之症人所不識者皆當作痰症而治之也病人口藥不効關上脈伏而大者痰也眼皮及眼下如灰烟黑者痰也

二陳湯主方

化痰黑色老痰膠濕痰白色寒痰清

陳皮

半夏

白茯苓

甘草

劉齋生薑煎服

濕痰加蒼朮白朮○寒痰加乾姜大附子○熱痰加黃連黃芩瓜蒌仁○風痰加南星白附子牙皂○氣虛有痰加入參白朮○血虛有痰加天門冬當歸○食積痰加山楂枳實黃連○痰在脇下非白芥子不能達○痰在皮膚膜外非竹瀝姜汁不可及○痰在四肢非竹瀝不行在經絡中亦可用必以姜汁佐之

○按右方亦治諸痰飲之總司也

清熱導痰湯 治憎寒壯熱頭目昏沉迷悶上氣喘急口出涎沫証類傷寒此因七情內傷以致痰迷心竅神不守舍神出則舍空空則痰

自生也，挾痰如鬼祟。

黃連

枳實

瓜蒌仁

南星

半夏

陳皮

茯苓 去皮

桔梗

黃芩

白木

人參

甘草

姜棗煎加竹瀝姜汁同服

○按右方清熱導痰痰迷心竅不省人事一服立省真神方也

開結化痰湯 治熱痰在胸膈間不化咯吐不出寒熱氣急滿悶作痛

者名曰痰結

陳皮

半夏

茯苓

枳殼

桔梗

貝母

瓜蒌仁

黃連

黃芩

梔子

蘇子

杏仁

桑白皮

朴硝

甘草

右劉水煎入姜汁磨木香服

○按右方清火化痰順氣開膈之劑

清濕化痰湯

治通身四肢骨節走注痰痛牽引胸背亦作寒熱喘咳煩悶或作腫塊痛難轉側或四肢麻痺不仁或背脊心下點如冰冷脈來沉滑乃是濕痰流注經絡關節不利故也

南星

半夏

陳皮

茯苓

蒼朮

羌活

酒芩

白芷

白芥子

甘草

右劉水煎入竹瀝姜汁磨木香溫服○骨體痛甚及有腫塊作痛

者名曰痰塊加乳香沒藥滑石朴硝○頭項痛加川芎威靈仙○

手臂腰痛加薄荷桂引南星

控涎丸

凡人忽患胸背手足頸項腰膝隱痛不可忍連筋骨牽引鈞痛坐卧不寧時時走易不定俗醫不識謂之走注便用風藥及針灸皆無益又疑是風毒結聚欲為癰疽亂以藥貼亦非也此乃痰涎在心膈上下隨氣升降於經絡中作楚而然或令人頭痛不可舉或神

志昏倦多睡或飲食無味痰稠粘夜間喉內如鋸聲多流唾涎手脚重墜冷痺氣脉不通誤認爲癱瘓亦非也凡有此疾俎以此藥下過數服乃愈

甘遂 去心

大戟 去皮要緊的

白芥子 炒各等分

右爲細末麩糊爲丸梧子大每服五十九如疾猛加至三十九臨臥淡姜湯送下以下飲爲愈○如驚氣痰成塊者加穿山甲鼈甲玄胡索菝木○如瘰癧痰加朱砂爲衣甚者加全蝎○如臂痛加木鼈子霜桂心○如酒痰加雄黃全蝎○熱痰加盆硝○寒痰加丁香胡椒肉桂

○按右方治諸痰腫痛風毒又治痰迷心竅狂言如有所見殊効  
痰癆丸 洞虛子曰痰証古今未詳方書須有懸飲流飲支飲痰飲溢飲之異而莫知其爲病之源或頭風目昏眩暈耳鳴或口眼蠕動眉

稜耳輪癢痒或四肢遊風腫硬似痛非痛或爲齒頰痒痛牙床浮腫而痒不一或噁氣吞酸嘈雜嘔噦或咽嗑不利咯之不吐嚥之下下色似烟燥形如破絮或如桃膠蜆肉之狀或心下如停水鐵心頭冷痛時作或夢寐奇怪鬼魅之類或足腕酸軟腰背卒痛或四肢骨節煩疼並無常處乃至手麻臂痛狀若挫閃或脊中每有一掌如冰凍之寒痛者或渾身習習而虫行者或眼沿澀痒口糜舌爛甚爲喉閉等症又或連項結核似癰非癰或胸腹間如有子氣交紐噎塞煩悶有如烟氣上冲頭面烘熱或爲失志癲狂或爲中風癱瘓或爲癆瘵在薄之疾或爲風痺及脚氣之候或心下怔忡驚悸如畏人將捕或喘嗽嘔吐或嘔冷涎綠水黑汗甚爲肺癰腸毒便膿擊跛其爲內外痛疾非止百端此皆痰之所致也蓋津液既凝爲痰爲飲而滯湧上焦故口燥咽乾流而之下則大便閉塞面如枯骨毛髮焦乾婦人則

經閉不通小兒則驚癇搐搦治法以此先逐去敗痰然後調理

括曰

蘇裏翻身甲掛金 于今頭戴草堂深 相逢二八求片秤

硝煨青蒙倍若沉 十七兩中令半兩 水九梧子意常斟

千般怪証如神効 水瀉雖身却不住

錦紋大黃酒拌蒸 黃芩去粉 沉香五錢

青蒙石兩槌碎 煨硝一兩入小砂鍋內 羌片蓋之 鐵線

一方加朱砂二兩研細 末為衣

右為細末水丸梧子大每三五十九量虛實加減服之

一切中風癱瘓痰涎壅塞大便或通或閉者

一切走注氣痛或腫或癢或無常痛無定所不腫在一處酸軟沉滯者

一切陽言風毒脚氣遍身遊走疼痛

一切無病之人遍身筋骨平白疼痛不能名狀者

一切頭痛非頭風症牙疼或浮或痺

一切因風因寒鼻塞聲重身軀不痛非傷寒症者

一切噎氣吞酸至於嘔逆隔氣及胸悶或從胸中氣塊冲上嘔吐涎飲

狀如翻胃者

一切心下忪忡如畏入捕快惕不安陰陽關格變生乖症

一切入饑傷飽憂思過度至於心下嘈雜或噦晝夜飲食無度或只虛

飽腹中稍飢並不喜食

一切新久痰氣喘嗽或嘔吐涎沫或痰結實熱或頭目眩暈

一切急慢喉閉赤眼 一切顯頰腫硬連項結核若癰癰者

一切口糜舌爛咽喉生瘡每用同蜜少許一處嚼破噙睡徐徐嚥之此小口瘡如此噙三五夜差也



一切氣冷痛如停水塊或動身散入腹中絞痛上攻頭面腫硬遍身四肢去處腫起軟浮或痛或痒或穿或不穿或穿而復閉或此消彼長漸成篤疾此係痰毒內攻或使爛痰臭或作腸癰肉疽服之以下惡物立効

一切男婦久患心痰下連小腹面黃肌瘦痛陣日發必嘔綠水黑汁冷涎乃至氣絕心下溫暖者每服八九丸立見生意然後陸續服之以差為度

一切瘡疾不問雜色或帶血塊惡物者不問曾經推換但是新久者一切瘡毒之疾日久男婦之疾非傷寒內外之症或酒色吐血或月水愆期心煩志亂或腹脹脇痛耳聾鼻塞骨節酸痛乾嘔惡心諸般內外疼痛百藥無効病者不能喻其狀方書未嘗載其疾醫者不能辨其症功減服之無不効也

按右方治諸般痰飲為病屬有餘者宜之  
仙傳治痰火第一方  
先用生石灰一斤

選擇好半夏一般大者一斤滾水八九碗傾在瓦盆內待溫澄清去渣將半夏投入日曬夜露七日取出用井水投洗三遍水泡三日一日一換水三次足取出在篩子內又用明淨白礬八兩皮硝一斤滾水八九碗將礬硝投入內煎溫將半夏投入泡七日日曬夜露日足取出投洗三次泡三日一日一換水三次取出入藥聽用于後粉草四兩南薄荷四兩陳皮五錢肉桂三錢丁香一錢白豆蔻去殼五錢枳實五錢沉香一錢木香三錢五味子五錢青皮五錢生薑半斤砂仁五錢川芎二錢右十四味為咀片用滾水十碗煎溫將半夏投入藥浸泡二七日日曬夜露勤攪之日取出將藥渣晒乾合半夏包在白新布內放在熱坑上着瓦盆扣住發三炷香取出取了藥只用半

夏放在篩子內晒乾裝在磁器瓶內聽用其藥不用引當可食有痰  
 人服大便如魚凍相似小便似漂水痰出絕不生痲疾如有痰迷心  
 竅若將半夏研爛為極細末灌在口內刺音一聲化痰順氣而醒用  
 二人扶之勿放倒吃清米飲半鍾後吃稀米飲則可忌飲酒太醉腥  
 物厚味一切油膩其痰永不犯也若不信將此半夏二三枚放在碗  
 內研極細末放在痰盆內即時化為清水矣

逐痰丸

紫白海蛤如雞子大者一斤火煨紅淬入童便內如此三次為末却  
 用鮮瓜萹拌蛤粉搗千百杵乃勻稀稠得宜作成餅子將麻線穿懸  
 當風處吹乾為末四兩

牛膽南星二兩 半夏匹兩用姜饅發香油煎數點 青黛二兩  
黃令透炒黃色

黃連二兩 陳皮去白二兩 青皮去穢炒二兩 大黃五兩酒拌九蒸九兩  
 木香五錢

右為末姜汁竹瀝丸如菉豆大每三四十九丸姜湯下

清火豁痰丸 治上焦鬱火痰涎壅盛胸膈不利咽喉煩燥噎塞如有

所礙吐之不出熱之不下

大黃酒拌九蒸九兩 番蒙石于硝丁兩火煨如金色五錢 沉香二錢  
 黃芩酒炒一兩 白朮去蘆炒二兩 南星半夏各一兩半 礞石各一兩半 礞石各一兩半 礞石各一兩半  
 枳實炒二兩 黃連姜炒一兩 梔子炒一兩 貝母去心二兩 天花粉一兩  
 連翹二兩 陳皮鹽水浸二兩 茯苓一兩 神曲炒一兩 青黛二兩  
 玄明粉七錢 白芥子炒一兩 甘草五錢

右為細末竹瀝和為丸梧子大每服六七十丸食後茶下

按右方治諸般氣鬱痰火之症

秘傳清氣化痰丸

卷之二

十七

大南星四兩 大半夏四兩 二味先用米泔水各浸三五日以透  
為度洗淨切片以碗盛貯晒乾先用姜汁次皂角汁又次礬汁又  
次硝水晒乾

一用生薑汁浸一且夕晒乾

一用皂角一兩煎水去渣浸一且夕晒乾

一用白礬一兩煎水浸一且夕洗晒乾

一用朴硝水浸一且夕洗晒乾

青皮 去穢

陳皮 去白

枳殼 炒

枳實 炒

白木 去蘆油

白茯苓 去皮

蘇子 炒

白芥子 炒

蘿蔔子 炒

香附子 炒

瓜蒌仁

乾葛

桔梗 去蘆

杏仁 水泡去

黃芩 酒炒

神曲 炒

麥非 炒

山查肉 蒸去

白豆蔻 去殼

前胡 去蘆

甘草 各

右為細末用前浸四味藥水加竹瀝一碗泡蒸餅為丸如梧子大  
每服五七十九或茶或姜湯任下

○按右方清氣化痰消食理氣健脾士夫日用之藥

按痰病之原有因熱而生痰者亦有因痰而生熱者有因風寒暑濕而  
得者有因酒飲而得者有因食積而得者有因脾虛不  
能運化而生者若熱痰則多煩熱風痰多成癱瘓奇證冷痰多成骨  
痺濕痰多成急軟弱驚痰多成心痛癩疾飲痰多脇痛臂痛食積痰  
多成瘰癧痞滿其為病狀種種難明王隱君論中頗為詳盡學者但  
察其病形脈症則知所挾之邪隨其表裏去不虛實以治也  
活勝濕湯 治背惡寒雖盛暑亦著綿衣人之背屬陽濕中太陽久  
而熱乃火也火起而痰隨之滲入於背兼以飲酒酒乃濕熱之物與

病轉合濕痰結聚其勢則冷而性則熱所以外雖惡寒其中實熱也  
宜先燥其濕次降其火則病除矣先明此藥滲濕方見眉骨門依本  
方各一錢加蒼朮米泔浸炒黃芩酒炒各一錢

### 咳嗽

脈宜浮濡忌伏沉  
毋溪曰肺為五臟之華蓋聲音之所從出入皮毛頓之而潤澤腎水內  
滋而生養滕理不密外為風寒暑濕之氣所干而疾作傷風則脈浮  
傷寒則脈緊傷熱則脈數傷濕則脈細上牛日嗽者為胃中有火午  
後嗽者屬陰虛五更嗽多者此胃中有食即至此時滯肺氣不利諸  
邪或痰皆伏春是春升之氣或外感夏是火炎上最重秋是濕熱傷  
肺冬是風寒外束也

夏月嗽而發熱者謂之熱嗽小柴胡湯方見傷寒加石膏知母共七味

冬月嗽而發寒熱謂之寒嗽小青龍湯麻黃桂枝乾姜細辛半夏芍藥  
五味子甘草加杏仁共九味

風寒鬱熱于肺夜嗽者三拗湯加知母共四味脈大而浮有熱加黃芩

陰虛火動而嗽四物合二陳加黃柏知母順而下之共十味

陰虛咳嗽或吐紅者四物加知母黃柏人參麥門冬五味子桑寄生地  
骨皮共十一味

嗽而失聲潤肺散即訶子五味子黃芩甘草共五味等分水煎

服或為末蜜丸噙化亦可

嗽而無聲有痰半夏白朮五味子防風枳殼甘草共六味

嗽而有聲無痰生姜杏仁五味升麻防風桔梗甘草共七味

嗽而有聲有痰白朮半夏五味防風久不愈加枳殼阿膠共六味

九嗽久亦有痰中兼血者或帶血絲者燥熱血少者皆當取其化源故

曰滋陰降火燥熱勞嗽是宜合而論治

蘇飲主方 治四時感冒發熱頭疼咳嗽停飲中脘痞滿嘔吐痰水  
寬年快膈不致傷脾一切發熱及內傷外感諸般咳嗽痰喘或欲成  
勞瘵者並治

紫蘇一錢 陳皮一錢 枳殼去穢一錢 桔梗去蘆一錢 前胡二錢

半夏錢 姜炒一錢 乾葛二錢 茯苓一錢 甘草五分 人參

木香二味減半若新病或不不用亦可 剉作劑姜棗煎服

初咳嗽加桑白皮杏仁久咳嗽加五味子烏梅口乾加麥門

冬天花粉陰虛痰嗽或吐血衄血加四物湯名茯苓補心湯

嘔逆加藿香砂仁脾泄加蓮肉扁豆白朮頭疼加川芎細辛

○按右方治諸般咳嗽吐痰之總司也

清火寧嗽湯 治咳嗽吐痰有執胸中痞悶

枳實 桔梗 前胡 貝母 赤茯苓

黃芩 麥門冬 桑白皮 甘草

生姜三片水煎溫服

二母寧嗽湯 治因傷酒食胃火上炎沖逼肺氣咳嗽痰喘胸膈痞滿

經旬不已

知母一錢半 貝母一錢半 陳皮去白一錢 枳實七分 瓜蒌仁一錢

桑白皮一錢 黃芩一錢 石羔二錢 梔子一錢 二五味子十粒

生甘草三分茯苓去皮一錢 生姜三片水煎溫服

寧嗽化痰丸

橘紅七錢 青黛三錢 貝母七錢 膽星一兩 天花粉七

桑白皮七錢 杏仁去皮尖 桔梗七錢 黃芩五錢 前胡七錢

甘草三錢 加枳實炒五錢

右為細末煉蜜為丸如龍眼大每下丸淡姜湯化下

○按右方治痰嗽有熱清涼之劑

加味八物湯 治四肢倦怠氣血虧損咳嗽吐痰喘急發熱在汗

人參 一錢半 白朮 錢半 白茯苓 八分 當歸 錢半 川芎 七分

白芍 酒炒 一錢 熟地黃 半錢 麥門冬 一錢 五味子 十五 陳皮 一錢

貝母 八分 瓜蒌仁 八分 黃柏 酒炒 七分 知母 酒炒 七分 紫蘇 七分

甘草 四分 生姜 三片 水煎服

○按右方治咳嗽吐痰屬虛弱者宜之

款冬花丸 治年老氣虛痰盛涎湧喘嗽不已遇寒尤甚並勞瘵久嗽痰氣等症

款冬花 兩 桑白皮 一兩半 人參 紫苑 杏仁 去皮尖

知母 去毛 貝母 各一兩 桔梗 五味子 各五錢

紫蘇 三錢 檳榔 一錢半 木香 一錢 可加馬兜鈴 五錢

右為細末煉蜜為丸如彈子大每臨卧嚼下丸滾水下

○按右方治痰嗽喘促氣急者宜之

杏仁煎 治咳嗽失音不出并治傷寒聲重暴嗽語音不出

杏仁 三兩 去皮尖 紫苑 五味子 貝母 桑白皮

木通 各一兩 白沙蜜 砂糖 連皮生姜汁 各一兩半

右剉散水一升煎至半升入杏仁糖蜜姜汁再熬成稀膏每下七

噲化○虛勞加知母款冬花各一兩

丹溪治咳嗽聲嘶者此血虛太多

青黛 蛤粉 為末蜜調噲化

○按右方治失音聲嘶咳嗽不出者宜之

姜糖煎 治老人咳嗽喘急煩熱不下食食即吐逆腹脹滿

生薑汁 五合 沙糖 四兩

右二味相和微火溫之二十沸即止每度含一匙漸漸下汁

白花膏 治喘嗽不已或痰有血 欬冬花 百合 蒸焙 二味等分為末煉蜜為丸龍眼大每

服一丸食後臨臥細嚼姜湯嚥下喻化尤佳虛弱人最宜服之

如聖丹 治新久痰喘咳嗽 用黃熟瓜蔓三五個連皮子三分入明礬一分搗和成團用葛葉

掛經風處陰乾研末姜汁打糊為丸梧子大每五十九丸淡淡姜湯

送下 按右方治咳嗽痰喘對症選用

清金化痰丸 治上焦酒毒痰火鬱結咯痰湧出胸膈不利之症

連翹 黃芩 香附童便浸瓜蔓仁 去殼貝母

青黛 海粉 各一兩 風化硝 五錢

右為細末煉蜜為丸如芡實大每十九丸含化清茶嚥之

按右方治有餘痰火內傷久嗽不可服

潤肺神膏 治年久咳嗽痰涎喘急百藥無功者

天門冬 去心 兩 麥門冬 去心 四兩 貝母 四兩 杏仁 去皮 四兩 半夏 姜製 四兩

右五味切片水煎熬去渣取汁五碗入白粉葛末四兩蜜一斤共

前汁入壺內重湯煮一日成膏取出每自無時頻服神效

神秘蘆吸散 治年久咳嗽哮喘急等症

粉草 三分 枯礬 五分 欬冬花 五分 石膏 煨五分 官桂 三分

右為細末每服三釐準秤至夜食後靜坐片時將藥放唇上以竹

管五寸長直插喉內用力吸藥速亦不怕吸藥令盡為度以細茶

下口漱而嚥之忌雞魚羊鷓一切動風發物并生冷諸物惟食白  
煮猪肉雞子戒三七日宜用公猪肺一付加肉半斤梔子一歲  
一箇炒成炭桑白皮不拘多少用水同煨至熟爛去藥至五更病  
人不要開口言語令人將湯肺喂之病人嚼吃在用餘者過時再  
食神效

### 哮喘

凡天欲作雨便齁喘甚至坐臥不得飲食不進此乃肺竅中積有冷痰  
乘天陰寒氣從背口鼻而入則肺脹作聲此病有苦至終身者亦有  
子母相傳者每發即服不過七八次覺痰腥臭自色吐出是絕其根  
矣此方殊效

紫金丹

人言赤首一錢 白礬二錢枯 淡豆豉一兩  
共搗爛為丸如菘豆大老人小兒只用五九壯者用七九不可過  
用姜湯下吐腥臭痰即效

○按右方治哮喘專攻之劑虛者不宜服

定喘湯 治哮喘  
白果二十箇去殼 桔黃芩切片姜汁拌炒 桑白皮蜜炙  
半夏三錢甘草水浸 甘草一錢 麻黃三錢 杏仁去皮研  
蘇子炒二錢 欬冬花三錢

水三鍾煎至二鍾不拘時慢慢呷之  
按右方治哮喘之良方也

蘇沉九寶湯 治素有喘急遇寒暄不常發則不已哮喘夜不得睡  
紫蘇 陳皮 薄荷 麻黃 杏仁小皮火



桑白皮

大腹皮

官桂

甘草

右劉生薑三片烏梅一箇水煎食後服

○按右方治哮喘遇寒即發者宜之

奪命丹 治上氣喘急經歲咳嗽不愈

人言一錢

白礬二錢

白附子三錢

南星四錢

半夏五錢

右先將人言與白礬一處於磁器內火煨紅出火黃色為度切不可犯鐵器却和半夏南星白附為末生薑汁煮麩糊為丸黍米大朱砂為衣每服七九小兒三九井花水下忌食熱物

○按右方專攻之劑量入壯弱用之

千金定吼丸 治哮喘如神

南星 四兩

半夏 半斤

四兩用牙皂白礬生薑煎水浸一夜次日切片隨水煮乾去皂薑

枳實 煨炒

黃連 姜炒

黃芩 酒炒

連翹

天麻

姜蚕 炒

桔梗 去蘆各二兩

大黃 酒拌九蒸九晒一兩

沉香 五錢

青蒙石 硝煨五錢

白附子 二兩

右為細末竹瀝姜汁為丸菘豆大每服七十九臨卧白水一口送下

清上補下丸

治哮喘新久不巳空心服此藥臨卧服千金定吼丸各一料拔去病根永不復發

大懷生地黃

砂鍋內酒拌蒸黑四兩

生地黄 酒洗兩半

石棗 酒蒸去核二兩

懷山藥 二兩

白茯苓

去皮兩半 牡丹皮 兩

澤瀉 兩

遼五味子 兩

天門冬 去心兩半

麥門冬

去心兩半 枳實 兩半

貝母 兩

桔梗 去蘆一兩

黃連 姜炒一兩

杏仁

去皮尖兩半 半夏 姜炒一兩

右為細末煉蜜為丸如梧子大每服三錢淡姜湯下

○按右方治哮喘年久不愈二方兼濟久服除根屢試屢驗

玉髓丹 治痰火上涌或流入四肢結聚胸背或痰嗽或頭目不清或  
年久齁嗽喘吼

軟石羔 三兩 半夏 泡七次一兩 白礬 五錢

右為末淡姜湯打稀糊為丸如菽豆大每三十九丸食遠茶清下  
○按右方清火化痰定喘殊效

治哮喘方 余太乙傳

連翹 一兩 歸尾 一兩 石羔 五錢 威靈仙 一兩

右剉水煎燒香一炷香盡半炷則服

○按右方清火定喘有妙

一女子因食鹽鯪過多遂得齁喘之疾乳食不進

甜瓜蒂七箇研為粗末用冷水一茶脚許調澄取清汁呷一小呷  
即吐痰涎若膠粘狀胸次既寬齁喘亦定遲日再作又服之隨手

愈凡三進藥病根如掃此藥味最苦極難吞嚥俗諺所謂瓜甘者  
苦也

治哮喘秘方

用苧麻根和沙糖爛煮時時嚼嚥下永絕病根

治哮喘喘上喘不休或是鹽迷水速肺敷俗謂遺氣病

小薊草一握用猪精肉四兩入水同收令熟食肉并湯立已其草

三月生七八月有四稜莖葉尖利有花結子

### 喘證

夫喘氣為火所鬱而為痰在肺胃也有痰者有火炎者有陰虛者脈滑  
而手足溫者生脈瀉而手足寒者死凡喘未發時以補正氣為主已  
發時以攻邪為主痰喘者喘則便有痰聲氣喘者呼吸急促而無痰

聲有胃氣虛而喘者擡肩擡項喘而不休火喘者乍進乍退得食則減食已則喘

治喘須分虛實若久病發喘必是肺虛用阿膠人參五味子之類補之則愈

若新病肺實而發喘者宜桑白皮葶藶子麻黃杏仁之類瀉之若氣實人因服黃芪過多而喘者宜三拗湯泄氣即安

五虎二陳湯主方 治喘急痰盛

麻黃 杏仁 石膏 陳皮 半夏

白茯苓 人參 木香 沉香 細茶

甘草 姜葱煎入蜜服

○按右方治傷寒喘急痰嗽宜之

治氣虛喘嗽氣急痰盛

木君子湯加五味子麥門冬黃芩黃柏枳殼貝母前胡紫蘇香附桑白皮生薑煎服

○按右方治氣虛喘嗽痰盛之劑

補肺百合湯 治喘促咳逆久服他藥不愈者

人參一錢 百合一錢 柯子小無核者一錢 御米殼去穢微炒一錢

天門冬一錢 懷生地一錢 紫苑一錢 馬兜苓一錢 知母一錢

陳皮去白七分 青木香一錢 生甘草三分

右剉一劑淡烏梅半箇生薑三片水煎食遠溫服渣再煎服

○按右方治喘促咳逆經年不愈者宜之

杏葉膏 老人久患喘急咳嗽不已睡卧不安

杏仁泡去皮尖 胡荽去殼去皮淨仁各等分

右研爲膏入煉蜜少許搜和得宜丸如彈子大每服一二丸食後

臨卧細嚼姜湯下

四磨湯 治七情鬱結上氣喘急

人參 檳榔 沉香 烏藥

右四味各磨合一處重湯煮溫服之

三子養親湯 治老人痰嗽氣喘

白芥子 研八分 蘇子 研八分 蘿蔔子 研七分 南星 水泡八分 半夏 水泡九分

陳皮 去白六分 枳實 炒六分 片苓 去朽八分 赤苓 去皮八分 甘草 二分

右對一劑生姜二片水煎服

○按右方治痰嗽氣喘之劑

定喘華蓋丸 清肺金降陰火豁痰止咳定喘

百合 兩 蜜炒一分 百部 去心蜜炒一分 杏仁 去皮另研如泥 紫苑 去子蜜水洗

麥門冬 去心一兩 黃栢 去皮蜜炒五分 知母 蜜炒一兩 貝母 去心一兩

薏苡仁 炒一兩 人參 一兩

右為末煉蜜為丸如梧子大每七十丸圓服肉煎湯下

一人年近五旬素稟肥壯因夜出瘧邊防賊感露氣傷寒甚重又

過食濃酒厚味發熱氣急上喘謔言妄語一醫以巴霜丸下之數次

其病愈加召予至診本脈急數有力氣口緊盛此熱極而寒邪不出

子以五虎湯加荆芥桔梗連進二服大汗出而愈

五虎湯 治傷寒喘急發熱口乾頭疼

麻黃 三錢 杏仁 去皮尖五錢 石膏 五錢 甘草 一錢 細茶 一撮

姜葱煎熱服汗出而愈

### 癰疹

有毫點而無頭粒者謂之癰有頭粒而隨出即沒沒而又出者謂之瘰

斑屬風熱拔痰而作疹屬熱與痰在肺九斑從四肢入腹者死又云  
癩疹多屬脾隱隱然在皮膚之間故言癩疹也癩則多痒或不仁者  
是兼風兼濕之殊色紅者兼火化也熱微者赤斑出熱甚者黑斑出  
赤斑五死一生黑斑十死一生

防風通聖散 癩疹通治消息隨宜

防風 當歸 川芎 麻黃 薄荷

連翹 大黃 芒硝各五 黃芩 桔梗

石羔 各一兩 滑石 三兩 荆芥 梔子 白朮 各三錢

甘草 二兩 白芍 五錢

右剉水煎服身痒加蒼朮羌活○痰嗽加半夏  
化癩湯 治傷寒汗吐下後斑發脈虛

人參 石羔 知母 甘草 守真加白朮

一方加玄參

右剉作劑水煎時時服○一方用黃瓜水調伏龍肝末服之去紅

數癩

消毒犀角飲 治癩及癩疹

牛蒡子 四錢 荆芥 一錢 防風 一錢 甘草 一錢 犀角 一錢

黃芩 一錢 右剉水煎服

消癩救苦散 治斑症悉具消化便令不出如已出者稀少再不生癩

當歸身 一錢 川芎 五錢 生地黃 三錢 乾葛 五錢 防風 五錢

羌活 五錢 細辛 一錢 藜蘆 五錢 連翹 五錢 柴胡 二錢

黃芩 生一錢 酒炒 一錢 黃連 一錢 酒黃柏 三錢 蒼朮 五錢

白朮 一錢 陳皮 一錢 紅花 一錢 蘇木 一錢 吳茱萸 五分

甘草 一錢 升麻 三錢 麻黃 五錢

右劉如麻豆大每服五錢水煎去渣溫服

# 瘧疾

瘧脈自弦弦數多熱弦遲多寒弦短者傷食弦滑者多痰弦而脈者宜  
下浮大者宜吐弦遲者宜溫

夫瘧者風暑不正之邪也有一日一發有二日一發有三日一發有間  
一日連二日發者氣血俱受病有日與夜各發者有汗有無汗有上  
半日發有下半日發有發於夜者其初發時欠伸畏寒戰慄頭疼或  
先寒後熱或先熱後寒或單寒單熱或寒少熱多或寒多熱少治法  
邪從外入當以汗解又以扶持胃氣為本須分別陽分陰分而用藥  
邪瘧及新發者可散可截虛瘧及久者宜補氣血若過服截藥致傷  
脾胃則必綿延不休

瘧初起頭疼發熱增寒無汗要散邪為主用散邪湯

瘧初起頭眩發熱增寒有汗要無汗正氣為主用正氣湯

瘧已用發表之藥不解此病在表宜分利陰陽用柴苓湯

瘧已發表分利仍不愈可用截藥止之不二飲

瘧用前諸藥治之不愈者此病屬內傷元氣脾胃虛弱用補中益氣

湯則愈

瘧經年諸藥罔效此氣血之太虛也用十全大補湯多服收功

凡患瘧熱盛纏久不愈必結癖塊俗云瘧母宜加減柴苓湯多服內有

青皮疎利肝邪則癖自不結矣

治久瘧腹中有癖用水磨沉香下雄黃解毒丸打下黑血如泥極真

散邪湯 治諸瘧初起頭疼無汗或先寒後熱或先熱後寒或寒熱獨

作或連日并發或間一日一發並宜服之

川芎

白芷

麻黃

白芍

防風

荆芥

紫蘇

羌活

甘草三分

右剉一劑生薑三片葱白三根水煎露一宿次早溫服○有濕加

蒼朮○夾食加香附○有痰加半夏

○按右方治瘧初起無汗要有汗散邪為主

正氣湯 治症同前

柴胡

前胡

白芷

半夏

麥門冬

檳榔

草菓

青皮

茯苓

川芎各一錢

桂枝

甘草各三分

右剉一劑生薑三片棗一枚水煎預先熱服

○按右方治瘧疾有汗要無汗正氣為主

治瘧初起五七日以內發者此寒甚也久瘧勿用

麻黃

桂枝

蒼朮

陳皮

乾薑

黃芩

甘草

生薑三片水煎熱服立已

按右方治瘧初起寒氣甚用此發之

加減柴苓湯 治諸瘧疾不拘寒熱新久皆効

柴胡

黃芩

半夏

猪苓

澤瀉

蒼朮

厚朴

青皮

檳榔

草菓

烏梅

甘草

右剉姜棗煎服

丁方去猪苓加茯苓藿香陳皮常山

按右方因前發表瘧疾未已用此分利陰陽可愈

不二飲 治諸瘧

常山

檳榔

要一雌知母去毛

貝母各等分

右剉每八錢剉一劑酒一鍾煎至八分不可過熱熱則不効露

宿臨發日五更溫服勿令婦人前藥  
截癰如神散 周心源驗 此方治癰甚盛者宜之

柴胡 半夏 檳榔 黑牽牛 各一錢

常山 一錢 甘草 二分

右剉水煎臨服入頭生酒半鍾同服未發前一時服

○按右方治癰疾久不愈甚盛人用此一截即愈  
保元截癰飲 治虛人久癰

黃芪 蜜炙 一錢 人參 五分 白朮 去蘆炒 當歸 一錢 陳皮 七分

柴胡 一錢 升麻 五分 檳榔 一錢 常山 酒蒸 一錢 知母 去毛 一錢

貝母 一錢 半夏 蜜炒 一錢 甘草 炙 三分

右剉丁劑生姜三片棗一枚水煎溫服  
按右方治癰久不已用此攻補一截而愈

加味益氣湯 治人平素不足兼以勞役內傷挾感寒暑以致瘡疔寒

熱交作肢體倦怠乏力少氣

黃芪 蜜炒 一錢 人參 八分 陳皮 六分 白朮 去蘆 八分 當歸 八分

柴胡 一錢 升麻 三分 白芍 八分 黃芩 一錢 半夏 八分

甘草 炙 五分

右剉一劑生姜煎空心服○有汗及寒重加桂枝五分倍黃芪○  
熱盛倍柴胡黃芪○渴加麥門冬天花粉

○按右方治癰久虛用此補中益氣而愈  
加減十全大補湯 治人虛弱久瘡寒熱不多而但微熱者邪氣已無  
只宜服此

黃芪 人參 白朮 白茯苓 當歸

川芎 白芍 熟地黃 柴胡 黃芩



陳皮

甘草

右劉劑生薑三片棗一枚水煎溫服

○按右方治癰久用攻劑之劑過多以致氣血太虛宜此多服以收全功

○按癰疾多因內傷飲食外感風寒所致夫人以脾胃為主未有脾胃實而患癰痢者若專主發表攻裏降火道痰以擊截癰之劑是治其末而忘其本凡此不問陰陽日夜所發皆宜補中益氣湯此不截之截也經年久癰此血氣太虛十全大補湯久服收功

龍虎湯 治熱癰火盛舌卷焦黑鼻如烟色赤脈洪弦而緊此乃陽毒而深先以青布摺疊數重新汲水漬之搭於胸上須臾再易如此三次熱勢稍退即服此藥

柴胡 一錢半 黃芩 一錢

半夏 七分

石膏 二錢半

知母 一錢

黃連 一錢半

黃柏 去皮一錢

炮子 八分

梗米 五十粒

右劉劑生薑三片棗一枚水煎服

○按右方治癰屬實熱者宜之

分利順元散 治體虛之人患癰寒多不可用涼藥  
川烏 丁兩去 六附子 一兩去皮 南星 二兩 木香 五錢 不見火  
右劉每服四錢生薑十片棗七枚水一盞煎七分當發日早晨連進二三服半生半炮能分解陰陽也

○按右方治癰屬虛寒者宜之

地龍散 治癰瘡諸癰木熱煩燥  
又生地龍三條研入生薑汁薄荷汁生薑各少許新汲水調服如熱熾加片腦少許

治癰母停水結癖腹脇堅痛

芫花炒

朱砂

右等分爲末煉蜜爲丸如小豆大每服十九丸東湯送下

又方

用雄猪前蹄下蓄入常山二錢煮熱吃湯食蹄立已

又方

用常山入棗同煮熟只食棗肉効

驚田飲子 治瘡久不愈腹中結塊名曰瘡母

驚甲醋炙

黃芪

白朮

芎藭

白芍

草果

檳榔

厚朴

橘紅

甘草

右剉一劑生姜七片烏梅少許煎服

瘡之爲疾有水有血水卽水飲也血卽瘀血也惟水飲所以作寒熱惟瘀血所以增寒熱常山逐水利飲固也苟無行血藥品佐助其間何

以收十全之功耶繼自今瘡家或衄血求唾血或大便血絲或目候適來適去皆是血症此藥主之

常山

檳榔

草果

青皮

烏梅

桃仁

五靈脂

甘草

生姜蜜同煎服

秘方 治火瘡不愈一服便止永不發其効如神

常山

檳榔

丁香

烏梅

右剉一劑用好酒一盞浸下宿臨發日清晨飲之

海外高僧傳 治諸瘡如神

番木鱉

炒去殼

雄黃一錢

朱砂一錢

甘草一錢

共爲末每服四分臨發預吃飯一碗將水酒調下被蓋睡立愈亦治瘰癧沿門患瘡相似者殊効

治瘡如神

齊世全書

卷之二

三

牛膝根切一劑水煎未發時先服一半將發時又服一半立止  
治諸癰新久不已此方如神

蒼木 米泔炒 陳皮 厚朴 姜炒 藿香 半夏 倍姜炒

柴胡 黃芩 青皮 茯苓 澤瀉

檳榔 草果 烏梅 甘草

生薑煎未發前一服而癰効不可言○久癰加常山○增寒加桂枝○人體弱加入參

如癰後飲食少進四肢無力面色痿黃用四君子湯合二陳湯加黃連枳實生薑煎服

○按右諸方皆治癰經驗者宜對症選用以後外治之法有苦於不肯服藥者用之亦可

塞鼻藥 治癰

草烏 巴豆 三箇去殼 胡椒 七箇 棗子 二箇

右三味為末棗肉為丸如梧子大每用一丸棉花裹男左女右塞鼻孔中於未發之先

龍虎丹 治癰 端午午時製

龍骨 虎骨 等分為末水丸彈子大朱砂為衣臨發日預握男左女右手心內

蛇退九 治癰

蛇退焙焦研末搗飯作丸將發時塞鼻中男左女右治癰疾一歲之中長幼相似者名曰疫癰此法去之神良

五神塞鼻丸

南方 官桂 五錢 朱砂 一錢 東方 青黛 五錢  
麝香 二分 北方 巴豆 四十九箇去殼 黑豆 三十六 西方

白礬五錢 白芷二錢 中央 硫黃五錢 雄黃一錢

上件各依方位以磁盤盛之於五月初一日虔誠安於木家待奉神前至初五日午時共研為末用五家粽角為丸如梧子大陰乾收貯聽用凡遇患瘧之人於瘧發日侵晨用綿包裹塞鼻中

### 痢疾

痢是濕熱及食積三者別赤白青黃黑五色以屬五臟白者濕熱傷氣分赤者濕熱傷血分赤白相雜氣血俱傷黃者食積青黑者濕勝也治法瀉腸胃之濕熱開鬱結之氣消積滯通因通用其初只是下之下後未愈隨症調之痢稍久不可下胃虛故也痢多屬熱亦有虛與寒者虛者宜補寒者宜溫久年及虛弱之人不可下大便了而不了者血虛數而至圓而不便者氣虛噤口痢胃氣熱胃口熱甚太虛

一痢魚腦半生半死○下若屋漏水者必亡○下若塵腐色者必死○下純血者必死○下若筆筒直者不治○唇如硃紅者必亡○身熱脈大者死○微小者生浮洪者死

利氣丸 方見諸氣 九痢赤白初起一服立愈

加味芍藥湯 王方 治下痢赤白初起積滯不行裏急後重頻上圓而去少腹痛

當歸尾一錢 白芍二錢 黃芩一錢半 黃連一錢半 枳殼去穢一錢 檳榔一錢 木香五分 大黃一錢 滑石一錢 甘草三分

右剉一劑水煎空心溫服○壯盛人大黃加一錢○按右方行血調氣經曰澀而便膿血者氣行而血止也行血則便服自愈和氣則後重自除

調和飲 治紅白痢疾

白芍三錢 當歸一錢半 川芎一錢 黃一錢 黃芩一錢

蘇子炒研一錢 升麻五分

右剉一劑水煎空心溫服。○白痢加吳茱萸炒一錢。○赤白痢加白木茯苓陳皮香附各一錢

○按右方治諸痢用通利之藥後未已直服此調理而愈立効無雙丸効不可言 治痢不拘赤白一服立止并泄瀉亦効

淨黃連四兩酒洗吳茱萸二兩同炒去茱萸不用 枳殼去穢二兩炒

右共為末稀粥和為丸梧子大每服七八十九空心溫酒送下。○泄瀉米湯送下。

香連丸 治冷熱不調下痢赤白膿血相雜裏急後重

川黃連去毛淨四兩以水潤薄切用吳茱萸二兩水泡乘濕就以黃連合和磁器盛之蒸時許取出同炒揀去吳茱萸不用 南木香一兩

右為細末醋煨麩糊為丸如梧子大每服二十丸空心米湯下。○口痢加石蓮肉二兩

獨將重丸 治痢如神

大黃一斤分四分

四兩用黃連一兩先泡水浸同炒

四兩用黃連一兩先泡水浸同炒

四兩用童便浸炒 四兩用乳汁浸炒

右為細末米糊為丸梧子大將一半蒸過各收貯每服將蒸過者一半未蒸者一半赤痢黃連湯下白痢吳茱萸湯下赤白痢連菜湯下

○按右方治痢專攻之劑

駐車丸 治下痢赤白腹痛甚者及休息痢駐者止也言藥止痢如車

黃連三兩炒 當歸一兩半 乾姜一兩炮 阿膠一兩半蛤粉炒

右為未醋糊為丸如梧子大每三十丸水飲下

一方治休息痢用四物湯吞下駐車丸一百粒醫說經驗方

神應丸 治水瀉食瀉積瀉赤白痢休息痢不拘新久

黃連二兩半 吳茱萸湯泡 木香一兩 粟殼蜜炒二兩

右為末烏梅肉二兩搗為丸梧子大每五十丸空心水湯下

○按右方治休息痢宜之

倉廩散 治時行瘟疫下痢赤白發熱口乾身痛方見傷寒

即人參敗毒散加黃連陳倉米三百粒蜜煎服○如噤口痢加

陳倉米一撮石蓮子七枚○痢後手足痛加木瓜檳榔若不早治

有成鶴膝風者

加減柴胡湯 治下痢身熱挾外感者必惡寒發熱身首俱病此為在

表宜用

小柴胡湯去人參加蒼朮川芎陳皮赤芍生薑煎服得微汗以散之即愈

○按右方治外感瘟疫下痢發熱之劑

加減八珍湯 治食積痢或時赤痢或時水瀉或完穀俱出乃脾胃

受熱之鬱遏不能消磨致水穀不化

人參八分 白朮去蘆一錢 茯苓一錢 甘草炙五分 當歸一錢

川芎六分 白芍一錢半 神曲炒一錢 黃連酒炒二錢 砂仁七分

澤瀉一錢 陳皮八分 半夏一錢 防風七分 阿膠炒一錢

生薑三片水煎溫服

加減補中益氣湯 治痢疾日久不愈不能起床不食疲弱之甚者

黃芪蜜炒五分 人參五分 白朮去蘆炒一錢 陳皮七分 當歸一錢

白芍酒炒一錢 升麻三分 澤瀉五分 木香三分 砂仁五分

齊世全書 卷之二 三

白蔻 三分 地榆 五分 御米殼 醋炒 三分 甘草 炙 三分

右剉水煎溫服

○按右方治下痢日久疲弱之甚者宜之

凡噤口痢多是胃占熱甚用黃芪一兩人參五錢煎湯終日呷之如吐則再強飲但得一呷下咽便好

一方加石蓮肉各三錢水煎服立效

治噤口痢其症有冷有熱有冷熱不調皆須先發散表裏如手心熱且

赤是熱宜敗毒散加陳米煎服如手心冷及純下白痢者是寒宜用

蓮肉不丟心為末米飲調服每服三錢

一方治噤口痢酒醉半盞姜汁半盞倉米湯半盞三味合一處入陳米菜一撮揉爛一并食之胃口立開口不開用鍼柱撥開牙齒嚥下立

效

倉連散 治噤口痢

赤用陳倉米三錢黃連七錢○白用米七錢連三錢○赤白痢相兼各五錢○水煎露一宿空心溫服

治噤口痢

用黃連半斤設咀生薑四兩切片同炒待姜焦黃去姜將連為末陳米飯搗為丸如梧子大每七八十丸

赤痢陳米湯下○白痢陳皮湯下○赤白痢陳米陳皮湯下

治噤口痢不思飲食湯飲米穀不下不拘男婦小兒皆効

石蓮肉去殼并內紅皮及心為細末用井花涼水調下每三錢或三錢日進二服見効即止

一方用陳倉米湯下如嘔加生薑汁三匙

治噤口痢

醫世全書

卷之二

三

用王瓜藤燒灰存性每服二三匙白痢砂糖水調下赤痢蜜水調送下

○按右方治噤口痢疾宜對症選用

一方治下痢裏急後重腹中痛楚難禁者

用槐枝艾科煎水一盆先薰後洗坐盪其小腹下即時通快也

一方治噤口痢飲食不入用雞一隻去毛屎切片入罐內用胡椒末

五錢入水用皮帶重重密封待熟用簪子刺孔令患人鼻聞孔之氣

即効

一方治噤口用王瓜藤經霜者晒乾燒灰存性為末香油調納臍中

登時愈

一方治紅白痢噤口不受藥不受飲食用田螺搗爛加麝香少許調

勻合臍中填刻効

鯽魚膽 治赤白痢噤口痢

白礬 枯過四錢 赤石脂 一錢

右為細末每大人用二匙小者一匙隨意加減用活鯽魚一尾去

鱗腸將前藥擦入肚內用真香油葱花醋醬煎煉如常碗盛碟蓋

噤口者放在鼻邊薰之二三次即時胃開食之無妨赤白痢者亦

食有効初痢不用

按右方治赤白噤口痢疾外治之法

治痢不問赤白神方 劉孟門傳

益元散 方見中暑 三錢黃連末一錢水一鐘煎八分空心一服立

止効

一方治久痢休息痢百方不効

黃連末木香末十分之一入猪臟頭去油入藥煮爛搗為丸每五



十九空心米湯下

一方治老年久痢不止肌瘦如柴晝夜無度命已將危

人參一兩水煎服之鼻有微汗而甦

一方用陳莧菜煎湯一服立止或為末每三錢水調下立止

秘方治久痢不止用陳蘿蔔煎湯一服立止

益元散 河間方 治痢之聖藥也

白滑石 六兩 粉草 各一兩

共為細末每服三錢白水調無時服

二方治血痢

用生馬齒莧絞汁二合和蜜一匙空心服

一方

苦參炒為末每五分米湯調下

一方 治熱痢不止

用車前草并子搗汁一盞入蜜一合煎溫分二服

一方 治白痢

肉豆蔻麵包煨乳香一粒為末每二三分米湯調服

一方 治痢不拘赤白

用王瓜削去皮蘸蜜吃一二箇當時腹大痛一陣利下積滯而已

一方 菘豆炒為末入白糖和涼水服立止

一方 白砂糖一兩雞子清一箇燒酒一鍾半煎八分溫服立止

一方 治痢

用蟬退炒黃色為末每服一錢白痢燒酒調下紅痢黃酒調下

一方 椿根皮炒為末白痢白糖加涼水服赤痢用蜜水和涼水服

按右單方治痢有效者宜擇便用之

一夏月下痢或赤或白頰渴嘔逆腹中攪痛小便不利者此因暑致之可以

五苓散香薷散小柴胡湯之屬若以此嘔症為脾胃虛寒則誤矣

一壯盛之人一團積熱下痢赤白裏急後重痛甚宜服

清涼四黃湯 黃連 五錢 黃芩 五錢 黃柏 五錢 梔子 五錢 大黃 三錢

連翹 五錢 木通 五錢 滑石 一兩 羌活 二錢半 海金沙 三錢

烏梅 五錢 瞿麥 五錢 酒麩 五錢 水煎空心溫服

一 下痢太便裏急後重數至廁而不能便不拘赤白膿血慎勿利之升其陽則陰火自退矣宜服

升陽除濕湯

防風 白芍 酒炒各 白茯苓 白木 去蘆各 蒼朮 炒一兩

甘草 炙五分 乾葛 一錢 冬加桂枝 分 炮乾姜 五分 紫蘇 五分

柴胡 七分 羌活 一錢 山查 二錢 木香 三分

食傷加麥芽 炒一錢

右列主姜三片水煎服○次服六君子湯方見補益

一下痢發呃用益元散以人參白朮煎湯調下立止

○按下痢裏急後重者窘迫急痛是也後重者大腸墜重而下也去裏急後重其症不一有因火熱者所謂火性急速而能燥物是也再因氣滯此大腸經氣壅而不宣通也有因積滯壅盛者是有物結滯也 有氣虛者此大腸氣降而不能升也有血虛者所謂虛坐努責是也 治法火熱者寒之清之氣滯者調之積滯者去之氣虛而降者升而 舉之血虛者補之各其聽用也

# 泄瀉

泄本屬濕然多因飲食之不節致傷脾胃而作須看時令寒熱新久而  
施治法補脾消食燥濕利小便亦有升提下陷之氣用風藥以勝濕  
亦有久瀉腸胃虛滑不禁宜收澀之大抵脈沉細者易治洪大者難  
胃冷湯主方 治脾胃不和暑熱停飲泄瀉腹痛水穀不化陰陽不分

不伏水土一切泄瀉並皆治之

蒼朮 米泔浸陳皮 厚朴 姜炒 猪苓 白朮 去蘆炒

茯苓 澤瀉 白芍 酒炒 黃連 姜炒 甘草

姜棗煎溫服○氣虛加入參○虛寒泄加乾姜炒黑○水瀉加滑

石○食積加神麩炒 山查○痰多加半夏○勝濕加防風升麻○

暴痢赤白相雜肚痛裏急後重加水香檳榔

○按右方治泄瀉之總司也

三白散 脾胃虧損人為不止症屬虛寒者

白朮 去蘆炒 白茯苓 各二錢 白芍 酒炒 陳皮 人參

肉豆蔻 麩裏煨去油 蒼朮 米泔炒 升麻 柯子 各八分

乾姜 炮五分 甘草 炙五分 腹痛加中桂

右劉姜棗煎服

二苓九 治泄瀉如神

白朮 去蘆東壁土 人參 五錢 陳皮 茯苓

猪苓 各七錢 官桂 一錢 甘草 炙二錢

右為細末棗肉丸如彈子大每丸溫水研化下

參苓白朮散 治脾胃元氣虛弱久泄少食

即四君子湯加山藥蓮肉薏苡仁扁豆桔梗各等分為細末每服

二二錢藥湯調服

理氣健脾丸 方見內傷

炒二兩其効如神

麥冬健脾丸

治者人小兒脾虛久作瀉世云治脾泄瀉五更時候

瀉者是也

人參 一兩 飯 白朮 去蘆土 炒一兩 白茯苓 一兩 蓮肉 去心留 皮一兩 山藥 一兩

陳皮 山查肉 去子 澤瀉 甘草 炙各五錢

兼治小兒食積又止瀉止吐消疳積黃瘦脹定肚痛常服益胃生肌健脾進食即啓脾丸

右為末煉蜜為丸如彈子大每一丸空心清米湯化下日三服

○按右方補元氣健脾胃止泄瀉之良方也宜對症選用

治泄瀉秘方

用雞子一箇將小頭破頂入胡椒七箇帶糊頂煨熟好酒送下燒酒更佳將胡椒完吞下

治久瀉久痢不止或脫肛下墜等症

臭椿根皮酒炒七次為末阿膠化開為丸梧子大每三十五丸空心米飲送下

一方治泄瀉

糯米為末不拘多少入百草霜十分之二水和為餅烙熟食之

法單用糯米半生半炒煮粥食之

久泄不止

陳蘿蔔煎湯一服立止

久瀉不止及脫肛一名黑白丸

枯白礬 三錢 五倍子炒為末一兩水糊丸梧子大每三十五丸

心米湯下

治泄瀉二三日或腹冷痛

生姜豆豉胡椒煎湯熱服立止

治泄瀉不拘新久

用白朮去蘆黃土炒二兩入米一撮水煎空心一服立止

治久病大腸滑泄

五倍子為末麩糊為丸如梧子大每服三服

又方

用車前子炒為末每二錢米飲下

治泄瀉用獾猪肚一枚洗淨去脂膜入大蒜在內以水煮爛搗膏入

平胃散末同杵為丸梧子大每三十丸鹽湯下空心米湯更妙

治泄瀉

歐陽文忠公嘗患暴下國醫不得愈夫人曰市人有此藥三文錢一帖甚効公曰吾輩臟腑與市人不同夫人請試之服愈乃用車前子一味為末米飲下三錢七此藥利水而不動氣水道利則清濁分而為自止矣

神聖香黃散 治久患脾洩

宣黃連 一兩 生薑 四兩切作一處慢火炒令姜乾

右為末每服二錢七空心膈茶送下甚者不過二服當治許州黃

太守患泄瀉二三年不愈每飲燒酒一鐘則止二三日以為

常畏藥不服召予診之六脉弦數先服此藥以解酒毒後服理氣

律脾丸加澤瀉尋愈

○按右單方治泄瀉有勁可選用

漿水散 治暴泄如水周身汗出一身盡冷脉微不弱或至無脉氣少

而不能語其甚者加此此為急病

半夏酒洗二兩 附子炮半兩 乾姜五錢 良姜五錢半 桂枝五錢

甘草炙五錢

右為末每剉三五錢漿水二盞煎一盞和滓熱服甚者三四服微者三服

○按右方治虛寒冬瀉者宜之

夫五更而泄者名曰腎泄蓋陰感而然故脾惡濕濕則瀉而困困則不能治水水性下流則腎水不足而以五味子散主之一云此治人到

五更初臍下絞痛而塘泄一次乃名腎泄感陰氣而然也

五味子散主之

五味子二兩 吳茱萸去梗五錢 同炒為末每服二錢陳米飲下

四神丸 治脾腎虛弱侵晨五更作瀉或全不思食或食而不化大便

不實

破故帛酒炒四兩 肉豆蔻二兩 吳茱萸泡過炒二兩 五味子二兩

右為末用紅棗四十九箇生薑四兩切碎 同棗用水煮熟去姜取棗肉和為丸每服五十丸空心鹽湯下

一人病瀉每至五更輒即利此腎泄也用五味子散數服而愈固起居不慎泄復作年餘不差此命門火虛不能生脾土法當補其母火者土之母也遂用八味丸補其母瀉即止食漸進東垣云脾胃之氣盛則能食而肥虛則不能食而瘦全賴命門火為生化之源滋養之根也故用八味丸奏効方見補益

○按右方治五更腎泄者宜之

戊巳丸 治脾經受濕泄痢不止米穀不化臍腹刺痛

黃連酒炒 白芍煨 吳茱萸炒各等分

右為末用小米飯為丸梧子大每服五六十丸空心米湯送下  
白龍丸 又名玉華丹 治久瀉痢疾霍亂瘧疾血崩

○痢甘草湯下 ○白痢姜湯下如不止再服一二丸 ○霍亂姜湯下  
○瘧疾東南飛心七箇煎湯下 ○血崩酒下 ○忌薑腥油膩煎炒之物

### 霍亂

脈來浮洪者可治微而遲氣少不語者為難治舌捲囊縮者皆不治也  
霍亂者上吐下利揮霍擾亂也及邪氣飲食所傷邪在中焦既吐且利  
邪在上焦吐而不利邪在下焦利而不吐俱用藿香正氣散加半夏  
生姜汁治之如吐利不止者理中湯如上不得吐下不得利出冷汗

氣欲絕名為乾霍亂用鹽一木七炒令黃入童便一碗溫和服之少頃吐下即愈此病切忌米湯服之立死反助邪氣功不可用寒涼之藥宜先服陰陽湯方見後

藿香正氣散 主方 治四時不正之氣寒疾時氣山嵐瘴氣雨濕蒸氣  
或中寒腹痛吐利中暑胃風吐瀉中濕身重泄瀉或不伏水土脾胃不和或飲食停滯復感外寒頭疼增寒或嘔逆惡心胸膈痞悶或發寒熱無汗者

- 藿香 二錢
  - 紫蘇
  - 陳皮
  - 厚朴 姜炒
  - 半夏 姜炒
  - 白茯苓
  - 桔梗
  - 大腹皮
  - 白芷
  - 白木 去蘆各一錢
  - 甘草 五分
  - 右剉一劑姜棗煎服
- 霍亂轉筋加木瓜 ○腹痛加炒芍藥寒痛加官桂冷甚加乾姜 ○飲食不化心下痞悶加香附砂仁 ○米穀不化加神曲麥芽 ○肉

食不化加山查○心下痞加枳實青皮○中暑冒風加香茹扁豆  
 時氣怕寒發熱加柴胡葛根○發熱加麥門冬淡竹葉○口渴泄  
 小便不利合五苓散○感風寒內傷飲食霍亂轉筋吐瀉合五苓  
 散○寒濕相搏霍亂轉筋煩渴悶亂合黃連香茹散○心腹絞痛  
 加木香○若煩欲登覆不通利者加枳殼○轉筋不止男子以手  
 撫其陰女子以手牽其乳近兩邊此千金妙法

○按右方治霍亂吐瀉之總司也諸病皆治

加減理中丸 治霍亂轉筋上吐下瀉腹內疼痛及乾霍亂俗名攪腸  
 沙真陰等疾手足厥冷嘉靖甲子年間梁宋之地人多患此自脚心  
 麻至足膝死者不勝其數時大方伯趙公出示此方患者咸蒙其惠  
 多矣因述以廣其傳云

人參 乾姜 炮 茯苓 去皮 甘草 炙各等分

右為末煉蜜為丸每重一錢嚼爛淡姜湯送下忌食米湯此即理

中湯改為丸土能寒水之義若仍作湯則不効矣

既濟湯 治霍亂後虛煩不得眠

人參 一錢 麥門冬 去心 一錢 半夏 泡 一錢 淡竹葉 二錢

大附子 製過去皮臍 甘草 炙 二錢 生姜 五片 粳米 百粒

水煎空心温服

治霍亂吐瀉或因飲冷或胃寒或失飢或大怒或乘車舟傷動胃氣令  
 入上吐下瀉不止頭旋眼花手足轉筋四肢厥冷

吳茱萸 木瓜 食塩 同炒焦先用瓦罐水三升煮

令百沸却入前三味同煎二升以下服之立効

○按右方治虛寒之劑

祛暑茹苓湯 治霍亂身熱口渴此熱暑中也



猪苓 七分 澤瀉 七分 白朮 五分 赤茯苓 一錢 黃連 五分

香茹 七分 乾葛 七分 天花粉 二錢 甘草 五分

右到一劑生薑煎服。如熱極加知母石羔。泄加升麻滑石黃

芩。○腹痛加炒芍藥一錢 桂三分 寒痛亦加此

○按右方治中暑身熱霍亂之劑

蓋灸法 治霍亂吐瀉心腹作痛炒鹽二碗帛包紗護頸其胸前并腹

肚上截以熨斗火熨氣透則蘇續又以炒鹽熨其背則十分無事

治霍亂轉筋

大蓼一握煎湯盪洗北人以麥糠代之使腠理開洩而氣散則已

也河間云熱氣燥燥於筋則攣痠而痛也

霍亂吐瀉方

樟樹皮 把水煎溫服立止

霍亂吐瀉轉筋粗大如桃李攣縮痛不可忍

林藹葉煎湯飲之即効

乾霍亂欲吐不吐欲瀉不瀉緊蹙腹脹汗出冷氣欲絕

鹽一兩 生薑 牛兩切

右二味同炒令色變以童尿兩盞前一盞分為二溫服

治乾霍亂不得吐者用滾湯一碗入皂角末三分鹽一撮調服探吐之

霍亂吐瀉但一點胃氣存者服之回生

陳皮 去白 藿香 等分為末每二錢姜湯下每劑一兩水煎服

亦可

治攪腸沙 即乾霍亂

胡椒 四箇 菘豆 二十箇 共為細末熱黃酒調服

治霍亂吐瀉 單用藿香梗一味煎水服立止

霍亂吐瀉 用生姜細切漬以新汲水調益元散頓服之即止  
又方 自太白散 用枯白礬為末每服一錢百沸湯點服

○按右簡易單方宜選用之

灸法 治霍亂已死腹中尚有暖氣者以鹽填滿臍孔灸之不計壯數

補遺方

參苓白朮散 治脾虛氣陷吐瀉煩渴

人參 白朮 茯苓 山藥 藿香

葛根 升麻 右為米湯調下

發沙

夫發沙者江南所在皆有之古方不載所感如傷寒頭痛嘔吐惡熱手足指末厥逆或腹痛悶亂須臾能殺入也先煎濃艾湯試之如吐則

是近時多看頭額及胸前兩邊有小紅豆點在皮膚者以大燈草香油蘸於紅點處爆者是名曰水傷寒也或服葱頭湯汗出而愈如腹痛不止用針於兩丰太指甲邊出血即瘥或二脚墜腫亦多水沙於委中穴刺血即愈鹽湯吐法治心腹絞痛冷汗出脹悶欲死名攢腸沙又名乾霍亂由山嵐瘴氣或因飢飽失宜而得者用鹽半盞以熱湯泡一碗令病人盡服又法用雞翎探咽喉冷吐所食鹽湯盡出即愈効

攢腸沙症發即腹痛難忍但陰沙腹痛而手足冷看其身上紅點以燈草蘸油點火燒之陽沙則腹痛而手足暖以針刺其十指皆近瓜干處一分半許即動爪甲而指背皮肉動處血出即安仍元白兩臂將下其惡血令聚指頭出血為好  
又痛不可忍須臾能令人死古方名乾霍亂急用鹽一兩熱湯調灌

入病人口中，鹽氣到腹即定。又將石砂炒令赤色，冷水淬之，良久澄  
清水一二合服即安。

又方：陳樟木、陳皮、陳壁土各等分，水濃煎去渣，連進三四服即安。  
治攪腸沙方

煨鹽一錢半 吳茱萸每歲一粒炒黃 為末熱酒調服

一人患心腹刺痛，手足拘攣，搐搦眼翻，上視將病人兩手從上往下捋  
到手指，將布針刺十指甲角，出黑血立止。此是沙閉下血，坎作痛。

### 青筋

白虎丸 治其人慣打青筋，其症初覺頭疼惡心，或心腹痛，或腰脇痛  
或遍身刺痛，或增寒壯熱，心慌喘急，惡血攻心，須臾不救，即進一服  
當時血散，若過三五日青筋已老，多服亦效。

古礦灰 要古城古壩或古家久年者佳，刮去雜色泥土為末

右為末水糊為丸，如梧子大，每服四五丸，看輕重加減，燒酒送  
下，立時奏效。又治心腹疼及婦人崩漏帶下，或因氣惱致疾，或久  
患赤白痢疾，或打撲內損，血不能散，立效。

治人慣打青筋

用五靈脂、蒲黃等分為末，酒下三錢，吃了永不再犯。

### 嘔吐

嘔吐謂有痰隔中焦，食不得下者，有氣逆者，有寒氣鬱於胃中者，有暑  
氣所侵者，有飲食所傷者，有瘀血停滯者，但因火與痰者為多。有物  
有聲謂之嘔，吐有聲無物謂之噦。劉河間謂水氣炎上，切不可下逆  
之故也。脈虛細者吉，實大者難。

一切外感內傷寒痰氣食而嘔吐者藿香正氣散主之方見霍亂

一胃虛有痰而嘔吐者二陳湯加藿香砂仁白木方見痰飲

一胃虛有熱而嘔吐者清胃保中湯

一冬月胃虛中寒不食而嘔吐者理中湯加丁香方見中寒

一夏月飲冷或當風取涼而嘔吐者二陳湯方見痰飲加香茹散方見

中暑烏梅煎服

一發熱而嘔吐者小柴胡湯加竹茹陳皮生薑煎服方見傷寒

一久病吐者胃氣虛不納穀也比和飲

嘔家聖藥是生薑千金之說信矣然氣逆作嘔生薑散之痰與水作嘔

半夏逐之嘔有熱有寒生薑於寒症最佳若遇熱嘔不可無烏梅

治嘔吐聞藥即嘔百方不效

伏龍肝為末水丸塞兩鼻孔却服對症藥遂不再吐

治嘔吐不已又治惡心

生薑一大塊直切薄片勿令折斷層層摻鹽於內以水濕等下麻蜜  
纏外又用紙包水濕火煨令熟取去麻蜜用姜搗爛和稀湯服之

清胃保中湯 主方

治嘔吐飲食不下

陳皮 八分 半夏姜炒八分 白茯苓去皮八分 白木去油蘆土炒

藿香 一錢 黃連土炒二錢 黃芩土炒一錢 山梔仁姜炒二錢

砂仁 三分 甘草 二分 加枇杷葉擦去毛 一錢

右到一劑生薑三片長流水和膠泥澄清二鍾煎一鍾稍冷頓服

○吐逆甚加伏龍肝一塊因氣加香附童使炒一錢 枳實炒

八分去白木 ○心煩不寐加竹茹八分神麩炒八分 ○酒傷脾胃

加乾葛天花粉白豆蔻

○按右方治嘔吐虛熱者宜之

比和飲 治嘔吐月餘不納水穀聞食即嘔聞藥亦嘔者

人參 一錢 白朮 去油蘆 炒一錢 白茯苓 去皮 一錢 藿香 五分 陳皮 五分

砂仁 五分 神曲 炒一錢 甘草 炙三分

右判一劑用十年已上陳倉米一合順流水二鍾煎沸伏龍肝研細攪濁澄清取一鍾生姜三片棗二枚同煎七分稍冷服別以陳倉米煎湯時時啜之日進此藥二三服而愈

參萸湯 治冷涎嘔吐陰症乾嘔

吳茱萸 沸湯泡洗三坎 炒一兩五錢 生姜 一兩半 人參 三分 大棗 五箇

水煎食前服

○按右方治虛寒嘔吐宜之

治虛弱及老人嘔吐惡心煩不寧

人參口嚼些須立已

治卒暴嘔逆虛弱困乏無力及久病人嘔吐飲食不入口即吐者

人參 一兩水煎服之立已

治胃氣冷吃食即欲吐

白豆蔻 五錢為末以好酒一盞微溫調服日三盞

治氣虛有痰嘔吐亦治反胃殊効

人參 二錢 半夏 一兩製 生姜 七片蜜少許煎服

治乾噦若手足厥冷宜食生姜此是嘔家聖藥又治心下痞堅不能食

胸中嘔噦

生姜 一兩切片半夏五錢湯泡切片水煎稍稍服之

有病以血虛血不歸元而嘔者用十全大補湯誠發前人之未發

用屢効

依本方加陳皮半夏藿香

惡心

惡心者無聲無物但心中欲吐不吐欲嘔不嘔雖曰惡心非心經之病其病皆在胃口上有虛有熱有痰皆用生姜隨症佐藥蓋姜能開胃

本連二陳湯 治胃口有熱時作惡心

半夏 湯泡切 陳皮 白茯苓 去皮 黃連 姜汁炒

黃芩 姜汁炒 各一錢半 甘草 炙 三分

右剉作一劑生姜五片水煎服

加味理中湯 治胃氣虛寒而作惡心亦治船暈

人參 白朮 炒 去芦 乾姜 半夏 姜製

右剉生姜煎服 陳皮 各等分

如胃中素熱惡心嘔噦不止

陳皮 二錢 梔子 炒 三錢 竹茹 一錢半 水煎入姜汁服

翻胃

大抵翻胃之症未有不由膈噎而起也其病皆因憂愁憤怒思慮鬱結痰飲滯於胸膈之間使氣道噎塞大便自結則氣上不下食不得入入則反出胃腸涸胃空上吐下結遂成此疾也治之當以透膈疎氣化痰和胃為主氣虛者補其氣血弱者養其血調順陰陽氣順痰下陰陽和勻其症自平不可峻用香燥之劑治之恐胃中停結痰火肆液衰涸如抱薪救火寧不悞耶其脈浮緩者生沉瀉者死若大便如羊糞者不治口中多出沫但見沫大出者必死年過五十者多不治○脈瀉而小血不足○脈大而弱氣不足

調元湯 主方 治翻胃之總司也

人參 五分 白木 七分去油蘆土炒 白茯苓 六分去皮 陳皮 六分

半夏 五分姜炒 川芎 五分 白豆蔻 五分去殼 黃連 五分同吳茱萸更炒去吳

當歸 七分酒洗 白芍 七分酒炒 薤仁 七分皮尖 紅花 三分 甘草 三分

右剉一劑 生姜三片 水煎 溫服 服至以愈為度

開結潤燥湯 黃賓江 治翻胃 養益 健脾 理氣 清火 之劑

當歸 川芎 白芍 酒炒 懷生地黃 天門冬 去心

麥門冬 去心 陳皮 白木 土炒 半夏 姜炒 白茯苓 去皮

藿香 砂仁 枳實 香附 烏藥

檳榔 木通 猪苓 黃芩 土炒 黃柏 乳炒

知母 乳炒 甘草 剉劑 生姜 煎服

一方加赤芍 赤茯苓

活血潤腸湯 治腸氣 翻胃 大便 結燥

當歸 一錢半 桃仁 一錢 陳皮 八分 甘草 炙 五分 黃連 姜炒 一

厚朴 姜炒 一錢 大腹皮 一錢 紅花 七分 白木 炒 七分

右剉一劑 水煎 溫服 善酒 加乾葛

人參 利膈 治膈噎 胸中 不利 大便 結燥 痰嗽 喘滿 脾胃 壅滯 此能

推陳 致新 治膈氣 之聖藥 也

人參 當歸 藿香 厚朴 姜炒 枳實 麩炒

大黃 酒蒸 各一兩 木香 檳榔 各七錢 甘草 一兩

右為末 滴水 丸如梧子 大每五十九 溫水 送下

胃不 散 治脾胃 不和 胸膈 痞悶 氣逆 生痰 不進 飲食 如膈噎 吞食 立

治神效

人參 一錢 白木 一錢 茯苓 七分 半夏 八分 陳皮 七分

薏苡仁 一錢 白豆蔻 六箇 枇杷葉 七分 桑白皮 八分 炒 大腹皮 七分

沉香 四分 木香 三分 檳榔 六分 藿香 七分 砂仁 四分

青皮 五分 杜仲 一錢 石斛 八分 神麴 炒 一錢 麥芽 炒 八分

山查肉 一錢 炙甘草 四分 生姜 三片 煎服

五膈加乾柿 ○膈氣吐逆加薤白紅棗五枚

古方有丁香五味子柯子無山查白豆蔻易草豆蔻

羊麵羹 治翻胃吐食膈氣噎塞

滑石 六錢 石膏 一兩 白茯苓 一兩 半夏 三錢 甘草 一錢

右為細末和勻每服五錢以白麴二兩和劑搜作小碁子塊用好

羊肉二兩加葱花鹽椒醬醋一處熬汁播生姜自然汁五錢將麴

藥碁子先於原汁內煮熟食之隔一日再依前法食之其効如神

○按右方治翻胃攻補兼施之劑

經驗方

韭汁味辛能消瘀行血牛乳甘溫能養血潤燥

韭汁二兩 牛乳一盞 生姜 五錢 取竹瀝 半盞 童便 一盞

右和處重湯煮熟溫服蓋韭菜汁能下膈上瘀血又令多服驢

尿以防生蟲

○按右方治翻胃大効

治翻胃噎食探病可治否 謝蒼崖傳

用甜梨一箇去皮用筋刺梨 每孔入巴豆去殼半邊於梨內包裹

水濕灰火煨熟取出去巴豆冷病人吃梨汁如嚔得下吐出痰來

可治如吃不下不吐痰不可治

治翻胃噎食 用葱搗爛塞入大便內俟咽喉中有葱氣可治

二豆回生丹 治翻胃噎食

硃砂 二錢 雄黃 二錢 乳香 一錢 朱砂 一錢 黑豆 四十九粒



菜豆 四十九 百草霜 五錢 微火炒過用

右共為細末用烏梅三十箇取肉和丸如指頂大朱砂為衣每食化一九良久將麪餅一箇茶泡爛食之不吐乃藥之效若吐再食化一九忌油膩鹽醋怒氣

○按右方探病可治否何如

治翻胃噎食

馬蛇兒即野地蠍虎用公雞一隻籠住餓一日只與水吃換淨腸肚却用馬蛇兒切爛與雞食之取尿焙乾為末每服一錢燒酒送下效

治隔食秘方

用乾柿餅三個連蒂搗為末酒調服甚勿以藥易而忽之也

又方

白雉鳥骨雞先籠二百撒去舊屎將屋籠斬爛與雞吃撒屎以

豆豉為丸冷滴燒酒吞下二三十九即愈

治轉食秘方

反翅雞一隻煮熟去骨入人參當歸各五錢為末再將原煮雞湯再煮取與食之勿令人共食

人參粥 治翻胃吐酸水

人參 未五錢 生姜 汁五錢 粟米 一合 水煮粥食之

療友胃嘔吐無常粥飲入口即吐困弱無力垂死者

人參 二兩 拍破水煎汁一碗熱服再兼以人參汁煮粥與服

秘方 奉宗岐 治翻胃

萊菔子 白芥子 胡荽子

右各等分為細末每服五分好燒酒調服

秘方 治翻胃脾胃虛寒嘔吐或翻胃膈噎神效

用大附子一箇最大者坐於磚上西面着火漸逼入生姜自然汁中又依前火逼乾復淬之約生薑汁可盪半碗許搗羅為末每服一錢用粟米飲下不過三服效

一方用大附子重一兩四五錢端正底平尖圓一枚灰火炮之發入生姜自然汁內浸潤晒乾再炮再入汁浸潤仍晒再炮用薑汁半碗去皮臍為末入參膏為丸黍米大每數丸津液嚥下胃氣稍復投以溫補之劑

治胃翻食即吐方

用粟米搗作水和為丸楮子大爛煮納醋中細細吞之得下便已麵亦得用之

治吐食翻胃諸藥不效者

胡椒 四十九粒 杏仁 四十九粒 二味為末用細花燒酒調服

治翻胃吐食上氣者 白芥子日乾為末酒調服

治翻胃并乾嘔不止 用甘蕉汁十升姜汁一升和勻分五服

治翻胃 用棗子一箇去核裹金玳瑁一箇用文武火煨畢去玳瑁用棗子空心服白湯下

○按右單方治翻胃噎膈有殊効者

治翻胃驗方 用木君子湯加炮乾姜白豆蔻黃連用吳黃煎湯浸炒去黃

### 欬逆

夫欬者氣逆也氣自膈下直衝上出於口而作聲之名也古謂之噦今謂之呃乃胃寒所生寒氣自逆而呃上也亦有痰有氣虛有火有因飲食太過填塞胸中而氣不得升降者或有痰問於上火起於下而氣不得伸越者又有傷寒熱病陽明內實過期失下清氣不得伸濁氣

不得降以致氣不宜通而發呃者此皆實証也  
治欬逆服藥無効者

硫黃 乳香 各等分為末以酒煎急令患人喫之

又方 用雄黃二錢酒一盞煎七分急令患人喫其熱氣立已

治欬逆連聲不絕 吳竺暘

柿蒂燒有性為末酒調服。一方每七箇煨為末黃酒調下

驗方 治飢逆

半夏 六錢湯泡 生姜 五錢 水煎服

治傷寒發熱而飢逆者

黃荊子不拘多少炒水煎服

傷寒陽症欬逆潮熱

小柴胡湯加生姜竹茹橘皮

治患欬逆連咳四五十聲者取生姜汁半合蜜一匙與煎令熟溫服如  
此三服

治諸吃意

橘皮 二兩湯浸去穢 剉以水一升煎之五合通熱頓服更加枳殼

一兩去穢炒同煎服

### 噯氣

夫噯氣者胃虛火鬱之所成也因胃中有火治療之去虛則補之熱則  
清之氣則順之氣順則痰消也

生半湯 治胃中鬱火有痰噯氣

南星 一兩半 半夏 一兩半 姜製 軟石膏 兩 香附米 童便炒一兩

山梔子 炒黑七錢

右坐 生姜煎服 或作丸亦可

# 吞酸吐酸

吞酸與吐酸不同

吐酸是平日津液隨上升之氣鬱積而成鬱之久濕中生熱故從火化遂作酸水而出吞酸者濕熱鬱積於肝而出伏於肺胃之間必用糯米蔬菜以自養

清鬱豁痰湯 主方

治噯氣吞酸乃胃中有熱膈上有痰令人嘔吐清

水等症

- |                      |    |                     |                      |                     |
|----------------------|----|---------------------|----------------------|---------------------|
| 陳皮                   | 半夏 | 白茯苓                 | 黃連 <small>姜炒</small> | 梔子 <small>炒</small> |
| 蒼朮 <small>酒炒</small> | 川芎 | 香附 <small>炒</small> | 砂仁                   | 神麩 <small>炒</small> |
| 山查                   | 木香 | 甘草                  |                      |                     |

右劉 生姜三片水煎溫服

消食後吐酸水方

乾姜 吳茱萸 各二兩

治下齋酒服方寸七日二胃冷服

乏立驗

橘連丸 治鬱積吐酸水

- |                         |                          |                         |       |                         |
|-------------------------|--------------------------|-------------------------|-------|-------------------------|
| 黃連 <small>炒</small> 一兩半 | 蒼朮 <small>米泔製</small> 一兩 | 吳茱萸 <small>炒</small> 一兩 | 陳皮 一兩 | 半夏 <small>姜炒</small> 一兩 |
| 白茯苓 一兩                  |                          |                         |       |                         |

右為末炊飯為丸如菽豆大每二三十九食遠服冬月倍茱萸夏月倍黃連

治婦人心酸乃痰飲積在脾胃間時時酸心或吐水

- |            |          |       |      |
|------------|----------|-------|------|
| 吳茱萸 一兩 鹽湯洗 | 蒼朮 一兩 泔洗 | 陳皮 去白 | 神麩 炒 |
| 麥芽 炒       | 肉桂 各五錢   |       |      |

右為細末煮麩糊丸米飲

治醋心每醋氣上攻如酸醋

吳茱萸一合水二盞煎七分頓服縱濃亦須強飲近有人心如蟻  
破服此方後二十年不發

菜連丸 治鬱積香酸

黃連 一兩 黃芩 一兩 二味用陳皮 蒼木 七錢 半米泔水浸

吳茱萸 五錢 泡炒 陳皮 五錢

右為末神麩糊為丸如菉豆大每五六十丸津嚥下

治吐清水

蒼木 米泔浸切陳皮

茯苓

滑石 炒

白朮

陳皮

右剉水煎服

一人口中常流冷涎如泉湧予以吳茱萸煎湯待冷涎流出後即服此  
菜蕒湯不二三次而愈

二木丸 治吞酸心痛

蒼木 米泔浸 白朮 去蘆炒 陳皮 一兩 半夏 姜炒 一兩 白茯苓 一兩

白芍 酒炒 一兩 神麩 炒 三兩 黃連 姜炒 八錢 甘草 炙 七錢

右為細末蒸餅為丸梧子大每服百丸淡姜湯下

**嘈雜**

夫嘈雜之為症也似飢不飢似痛不痛而有懊懣不自寧之况者是也  
其症或兼噎氣或兼痞滿或兼惡心漸至胃腹作痛實痰火之為患  
也治法以南星半夏橘紅以消其痰芩連梔子石羔知母之類以降  
其火蒼木白朮芍藥之類以建其行濕壯其本元又當忌口節慾無

有不妥者也

人多思慮以致血虛五更時嘈雜是也

其四物湯加香附梔子黃連貝母

肥人嘈雜

二陳湯少加無芎蒼朮白朮梔子水煎服

眩暈嘈雜火動其痰

二陳湯加梔子黃芩黃連

一婦人飲食少思胸中嘈雜頭暈吐痰此中氣虛而有熱用六君子湯

加炒黑山梔桔梗而愈後因勞碌頭暈發熱吐痰不食用補中益氣

加半夏茯苓天麻而痊

一婦人胸膈雜

用茯苓補心湯治之愈方見虛勞

平肝順氣保中丸

治鬱火傷脾中氣不運胃中伏火鬱積生痰致嘔吐吞酸嘈雜心腹脹悶常服順氣和中開胃健脾倍進飲食化痰

消滯清火抑肝

香附米 三兩童便浸

小川芎 二兩

白朮 去蘆士 炒四兩

枳實 二兩 姜汁炒

黃連 二兩 姜汁炒

吳茱萸 湯泡神曲 炒一兩

麥芽 炒七錢

木香 三錢

梔子 一兩 姜汁炒

萊菔子 炒一兩 半夏 姜汁炒 兩半

白茯苓 去蘆士 兩

竹茹 一兩

砂仁 炒四錢

乾生薑 一兩 甘草 炙四錢

一方加山查 二兩

青皮 香油炒 六錢

去吳茱萸

竹茹

右為末竹瀝打神麩糊為丸如梧子大每八十九白湯送下日進

二服

四物湯 方見補益

二陳湯 方見痰飲

六君子湯 方見補益

補中益氣湯 方見內傷

新刊醫林狀元濟世全書坎集卷之二

一、大抵山陰...  
 二、...  
 三、...  
 四、...  
 五、...  
 六、...  
 七、...  
 八、...  
 九、...  
 十、...



